



經義考

〔清〕朱彝尊撰

經義考

中華書局影印

本書據中華書局 1936 年版《四部備要》縮印

經義考

〔清〕朱彝尊撰

中華書局編輯部編

*

中華書局出版發行

（北京豐臺區太平橋西里 38 號）

北京未來科學技術研究所印刷廠印刷

*

850×1168 毫米 1/32·48 1/4 印張

1998 年 11 月第 1 版 1998 年 11 月北京第 1 次印刷

印數 1—2000 冊 定價：86.00 元

ISBN 7—101—02078—X/K·909

經義考

《四部備要》

經部

上海中華書局據揚州馬

氏刻本校刊

桐鄉陸費達總勘

杭縣高時顯輯校

杭縣吳汝霖監造

版權所有不許翻印

御題朱彝尊經義考

泰燾弗絕殆如繩未變斯文聖語會疑信雖滋後人議述傳終賴漢
傳承天經地緯道由託一貫六同教以興黎閭炎劉校賦建竹垞昭
代撰壘稱存亡若彼均詳注義舉號竹垞秀水人康熙己未以博學
鴻詞授檢討入直內廷博聞淹貫是書通考歷代諸儒說經書目每
書先列撰人姓氏書名卷數次列題注曰存曰佚曰未見次列原書
序跋諸儒論斷及其人書里彝尊考正按語載於末而附以逸經並
錄藏經諸目凡三百卷自漢迄今說經諸書存亡可考文獻足徵編
輯之勤考據之審網羅之富實有裨於經學惟所注闕佚未見者今
四庫所錄往往其書尙存蓋冊府儲藏外間難覓不足為彝尊病至
卷首冠以我朝 世祖御注孝經 聖祖日講解經自屬體制
應爾若臣工著述則當按時代先後彝尊於編次時亦未及詳訂即
如本朝成德所著之大易象義粹言合訂列於前而朱子元亨利貞
說列於後殊為參錯第已刊布成書難以改刻惟今於四庫全書提
要內聲明以正體例至其義在經不惟汲古之助並將昭示來茲
矣文獻於茲率可徵遠紹芳搜今古會焚膏繼晷歲年增考因晰理
求其是義在經經不勝枕藉寧惟資汲鑿聞崇將以示孫曾
乾隆四十二年四月二十日大理寺寺丞職銜臣汪汝璥恭錄敬鐫

乾隆四十二年四月二十日承准

大學士舒 大學士手 字寄

浙江巡撫三 乾隆四十二年四月初六日奉

上諭朕閱四庫全書館所進鈔本朱彝尊經義考于歷代說經諸書
廣搜博考存佚可徵實有裨于經學朕因親製詩篇題諸書首
此書現已刊行于世聞書板尙在浙江著將御製詩錄寄三寶
就便詢問藏板之家如願將朕此詩添冠卷端藏其刊刻亦使
士林咸知朕闡崇經學之意將此傳諭知之欽此遵
旨寄信前來

臣三寶謹按秀水翰林院檢討臣朱彝尊勲志研經學問淹雅所著經義考一書尤為詳覈今值

右文廣典

秘閣宏開適由四庫全書館鈔錄進呈

御覽仰蒙

聖主睿藻親題臣於乾隆四十二年四月二十日接奉

廷寄

命訪藏板之家令其刊刻卷首昭示來茲臣隨查是書刊板係由朱彝尊後裔歸於杭城捐職大理寺寺丞臣汪汝璥家汝璥於甲午歲恭進遺書曾蒙

聖恩賞給佩文韻府一部並邀

御題曲有舊聞書苑菁華二種先行發還敬謹藏貯今藏板經義考審製遙頒冠諸篇首不惟學古之士遵繩尺於後來並使傳述之家感勤勞於在昔垂諸藝林實為千載一時之盛臣三寶恭紀

奏為恭

進事欽惟我

皇上

道貫天人

學綜今古

契心傳於東魯浮林煥俎豆之光

敷文教於中天石室宏圖書之秘微言大義經

聖裁之悉當猶念管輅有窮經之彥著述多自得之言其人既顯撰以清班其書亦取登於冊府示天下以去華崇實之學根柢惟

在六經導多士於明體達用之途淵源必衷先聖臣因竊見聖祖仁皇帝時翰林院檢討臣朱彝尊所纂經義考三百卷博徵傳

世之書誌其存佚提衡衆家之論判厥醇疵幸際昌期首冠以

聖明之鉅製備陳列代不遺夫師友之緒言畢領提綱開卷瞭如指掌升堂入奧披函燦若列眉實裨益於稽古之儒宜刊布於

右文之世但其已經授梓雖有易書詩禮四經而未成訖工尚有春秋緯侯各類臣訪存稿於其後嗣乃捐餘俸以成完書見淺

見深咸網羅而不失識小悉彙括以辟遺惟舊臣纂輯之勤即古人精神之寄況今者續一代文獻之書補羣儒經籍之

志論說有實於考鏡見聞可藉為參稽較陳振孫之解題更加繁富比晁公武之書志尤覺精詳昔嘗

聖祖巡幸浙江已曾進呈於

行轅今遇

皇上載臨闕里似可取備於書林臣謹將先後所刻經義考全書裝潢二部每部六函計四十八本恭呈

御覽竊訓常明萬機衍傳經之緒囑圖若揭千秋揚載道之文臣不勝戰慄悚惶之至謹

奏

乾隆二十一年二月十五日

奏欽奉

硃批書留覽

兩淮鹽運使臣盧見曾謹

朱竹垞先生歸隱小長蘆以輯學者書自娛遠屏聲迹獨千里寓
於余曰彙纂所輯經義考三百卷今已就九經之外旁及緯候唐宋
以來碑版傳說搜采頗多公其惠踐前諸畧以序言廷校發書喟然
曰久矣夫經義之存佚有可指而言者也凡經之存佚不於其書於
其人於其時有佚而若存者有存而若佚者秦燬書坑儒經佚矣漢
興於殘煙斷燼之餘掇拾其什一二其時專門各家引經制事雖守
殘抱闕彬彬乎有近古之風焉其後以經選士設科射策乃有通義
之目經義之存莫威於此夫其初所謂經者易書詩禮春秋而已是
以石渠之論稱制臨決者曰五經同異孝章修甘露故事亦曰論五
經於白虎觀唐貞觀中乃分列九經而唐之經義不勝於漢若是乎
佚者若存而存者若佚也夫經以致用致用之實莫大乎教人取士
之法則由唐宋以來其間得失之故有可得而略言者唐初沿隋舊
置六科其後科目雖繁大要以明經進士爲重明經試經義進士試
策詩賦雜文亦帖經故尤以是科爲重後雖稍浮濫終唐之世卒未
有以易之也宋初制先策次論次賦及時次帖經墨義後所重者詩
賦論三題熙寧元祐之間詩賦經義罷復錯互而王安石呂惠卿創
始之經義迄於今流毒無窮焉詩賦雖詞章之學而精其業非通經
學古者則不克以爲今之經義名雖正而實則乖蓋王氏之經學行
而經工滋甚矣安石曰本欲變學究爲秀才不謂變秀才爲學究也
嗚呼豈知併學究而失之乎今古經具在而學術如此經之其存其
佚皆不可得而知矣茲先生所著經義考至於三百卷之多雖其或
存或佚者悉載闡編余以爲經先生之考定存者固森然其畢具而
佚者亦絕其穿鑿附會之端則經義之存又莫有威於此時者矣微
竹垞博學深思其孰克爲之

聖天子典學右文石渠白虎集議方殷諸儒必將以竹垞爲大師而
正經學以淑人才有厚望焉余序竹垞經義之書而及唐宋以來所
以教人取士之法意固在此而不在彼也康熙己卯日南至午涯陳
廷敬書

經義考者諸儒說經之書目也古經大易書詩禮樂春秋見于經解其時夫子傳易子夏序詩虞卿論春秋各有經說行乎其間即至燔書以後尚有古五子十八篇周官傳四篇列漢志中嗣此諸儒之說經者遂紛紛焉自宋人倡爲論曰秦人焚經而經存漢人窮經而經亡而後之儒爲文中子者直伸其語曰九師興而易道微三傳作而春秋數于是譚經之徒各掃先儒之說而經學不可問矣漢儒信經凡所立說惟恐其說之稍遠于經而宋人不然有疑文言非十翼文者有疑顧命非周公所制禮者有疑春秋非夫子作者有疑春秋傳非丘邱氏書者有疑春秋經爲六代後增改非七十子所舊傳者而至于士禮則廢之周官經則明斥之王制月令明堂位諸篇則直杜之訕之然且有誤讀隋書經籍志而謂尙書爲偽書誤讀劉歆讀博士書而謂今所傳國風爲僞詩者是無經也朱子竹垞爲此懼從前人所增七經九經十經十三經外更廣一大戴禮曰此皆經也于是窮搜討之力出家所藏書八萬餘卷輒其說之可據者署其經名而分繫其下有存佚而無是非使窮經之士一覽而知所考焉洋洋乎大觀哉嘗按周禮春官以外史掌三皇五帝之書而志其書名此列代史志所自助也乃漢武藏書名之曰策而成帝求書天下命總其羣籍而合爲縱略其在經義則所云六藝略者是也至後漢以四部立名而以經部爲甲部歷魏晉六朝或稱新簿或稱舊簿而要之皆部記之名此趙宋三館所以直稱爲書目而無有他也然而在官輯者如劉歆奏經略班固著經部王俊撰經典志唐鄭覃等之修經書四庫而自爲輯者則如謝康樂之編經目阮孝緒之分經典錄各有機軸竹垞曾官內廷爲

御注

勅撰一卷尊王也十四經爲經義者共二百五十八卷廣經學也逸經三卷惟恐經之稍有遺而一字一句必收之也爰緯五卷緯雖說經者也夫緯尙不廢而何況于經擬經十三卷此則不惟自爲義并自爲經者然而見似可覆也其與經合邪則象人而用之也否則罔也又有承師五卷則錄其經義之各有自者而廣繫附焉宣講立

學合一卷刊石五卷書壁鏤板著錄各一卷通說四卷此皆與經學有繫者然而非博極羣籍不能有此家學一卷自敘一卷共三百卷書成示子子受而歎曰嗟乎少研經學老未能就不及見諸書而年已七十九矣孟子曰觀于海者難爲水游于聖人之門者難爲言荀子有云不登高山不知天之高不聞聖人之言將不知學問之大今經學大著聖人之言畢見于斯世而生其後者復得從此而有所考覽則既實其書爲

咸朝慶而又喜天下後世之知有經并知有義也因卒讀而爲之序康熙四十年蕭山毛奇齡初晴氏

明制以經義取士五經頒列學宮易宗本義及程傳書主蔡氏詩主朱子傳春秋本胡氏康侯而禮記則宗陳澧集說我朝因之然

聖祖仁皇帝著周易折中詩書春秋彙纂皆博采記傳及漢晉唐明諸書而不專於一說誠以經學非一家之言所能盡也舉業家約略擬題游衍活套往往用徑寸之帙以煤進而榜榮間以十三經之名目懵焉莫識固有博雅之士竊尋註疏至魏晉不逮兩漢王易顯而荀虞隱孔傳出而馬鄭微杜註興而賈服廢自老儒且不能舉其姓氏又況能晰其源流考其得失乎哉吁可歎也秀水朱竹垞先生經學大儒著經義考三百卷刊行於世者甫及其半自春秋以下闕焉未觀乾隆癸酉余以轉運再至淮南始得其未刻之本於先生之孫稻孫乃與同志授之梓而爲之序曰六經至孔子而論定孔子歿西河七十子之徒轉相授受延及兩漢具有家法逮有宋理學勃興諸儒各以己意說經義理勝而家法轉亡矣故二經十翼之分合朱子謂鄭風爲淫奔蔡氏謂商周不改月時胡氏康侯謂聖人以天自處好古之士不能無疑顧所見古書絕少無徵不信往往恨焉今觀經義考所載雖其闕佚者過半猶必爲之稽其爵里條其同異其存者在學士大夫之家如得贖而讀之詎不爲厚幸歟竊嘗謂通經當以近古者爲信譬如秦人談幽冀事比吳越閒宜稍稍得真必先從記傳始記傳之所不及則索諸兩漢兩漢之所未備則取諸魏阮魏阮之所不可通然後廣以宋元明之說勿信今而疑古致有兔園冊子師心自用之誥以仰副聖天子尊經勸學之至意是則余區區刊是書之志也夫甲戌長至

德州盧見曾撰

昔先大父嘗以近日譚經者局守一家之言致先儒遺編失傳者什九因做鄒陽馬氏經籍考之例而推廣之著經義考二百卷分存佚闕未見四門自

御注

勅撰以迄自序爲類凡三十種又欲爲補遺二卷草率釐定卽以次

付梓其宜講立學家學自序四種以及補遺屬草未具不幸遭疾校刻迄半稿業未終嗚呼惜哉先是歲乙酉

聖祖仁皇帝南巡先大父以易書二種進呈

乙覽

天子嘉之奉

旨留在

南書房

諭令速速刻完

特賜研經博物四大字匾額儒臣隆遇於時罕儔自先大父實志以

得交輟谷馬君於維揚君好古博雅篤於友誼欣然約同志欲

爲我先人成此未竟之業中有所格不果越二十年歲甲戌德

州盧公重掌江南經政稱謁公刊上公一見卽詢及經義考

因具陳願末公爲歎息者久之遂首捐清俸爲同志倡還以其

事屬諸馬君君由是與令弟半查盡發二酉之藏僦錢塘陳君

授衣僦微江君賓公元和惠君定宇華亭沈君學子相爲參校

而稍錄仍率次子品諸長徐休承暨從孫培同里金華共襄厥

事既踰年而削刪乃竣計一百三十卷合前所刻一百六十七

卷成完書信乎書之顯晦與夫行世之遲速固有天焉繼自今

窮經稽古之士其得所津逮而拜使君與輟谷先生之嘉惠者

豈匪淺矣事特稱錄等戴君子之德於無窮也哉乾隆二十年

歲次乙亥六月朔徐孫孫謹識

經義考總目卷上

德州後學 盧見曾 編

卷一

御注

數撰

卷二

易一

卷三

易二

卷四

易三

卷五

易四

卷六

易五

卷七

易六

卷八

易七

卷九

易八

卷十

易九

卷十一

易十

卷十二

易十一

卷十三

易十二

卷十四

易十三

卷十五

易十四

卷十六

易十五

卷十七

易十六

卷十八

易十七

卷十九

易十八

卷二十

易十九

卷二十一

易二十

卷二十二

易二十一

卷二十三

易二十二

卷二十四

易二十三

卷二十五

易二十四

卷二十六

易二十五

卷二十七

易二十六

卷二十八

易二十七

卷二十九

易二十八

卷三十

易二十九

卷三十一

易三十

卷三十二

易三十一

卷三十三

卷三十二
易三十二

卷三十三
易三十三

卷三十四
易三十四

卷三十五
易三十五

卷三十六
易三十六

卷三十七
易三十七

卷三十八
易三十八

卷三十九
易三十九

卷四十
易四十

卷四十一
易四十一

卷四十二
易四十二

卷四十三
易四十三

卷四十四
易四十四

卷四十五
易四十五

卷四十六
易四十六

卷四十七
易四十七

卷四十八
易四十八

卷四十九
易四十九

卷五十
易五十

卷五十一
易五十一

卷五十二
易五十二

卷五十三
易五十三

卷五十四
易五十四

卷五十五
易五十五

卷五十六
易五十六

卷五十七
易五十七

卷五十八
易五十八

卷五十九
易五十九

卷六十
易六十

卷六十一
易六十一

卷六十二
易六十二

卷六十三
易六十三

卷六十四
易六十四

卷六十五
易六十五

卷六十六
易六十六

卷六十七
易六十七

易六十六

卷六十八

易六十七

卷六十九

易六十八

卷七十

易六十九

卷七十一

易七十

卷七十二

書一

卷七十三

書二

卷七十四

書三

卷七十五

書四

卷七十六

書五

卷七十七

書六

卷七十八

書七

卷七十九

書八

卷八十

書九

卷八十一

書十

卷八十二

書十一

卷八十三

書十二

卷八十四

書十三

卷八十五

書十四

卷八十六

書十五

卷八十七

書十六

卷八十八

書十七

卷八十九

書十八

卷九十

書十九

卷九十一

書二十

卷九十二

書二十一

卷九十三

書二十二

卷九十四

書二十三

卷九十五

書二十四

卷九十六

書二十五

卷九十七

書二十六

卷九十八

詩一

卷九十九

詩二

卷一百

詩三

卷一百一

詩四

卷一百一

詩五

卷一百二

詩六

卷一百三

詩七

卷一百四

詩八

卷一百五

詩九

卷一百六

詩十

卷一百七

詩十一

卷一百八

詩十二

卷一百九

詩十三

卷一百十

詩十四

卷一百十一

詩十五

卷一百十二

詩十六

卷一百十三

詩十七

卷一百十四

詩十八

卷一百十五

詩十九

卷一百十六

詩二十

卷一百十七

詩二十一

卷一百十九

詩二十二

卷一百二十

周禮一

卷一百二十一

周禮二

卷一百二十二

周禮三

卷一百二十三

周禮四

卷一百二十四

周禮五

卷一百二十五

周禮六

卷一百二十六

周禮七

卷一百二十七

周禮八

卷一百二十八

周禮九

卷一百二十九

周禮十

卷一百三十

儀禮一

卷一百三十一

儀禮二

卷一百三十二

儀禮三

卷一百三十三

儀禮四

卷一百三十四

儀禮五

卷一百三十五

儀禮六

卷一百三十六

儀禮七

卷一百三十七

儀禮八

卷一百三十八

禮記一

卷一百三十九

禮記二

卷一百四十

禮記三

卷一百四十一

禮記四

卷一百四十二

禮記五

卷一百四十三

禮記六

卷一百四十四

禮記七

卷一百四十五

禮記八

卷一百四十六

禮記九

卷一百四十七

禮記十

卷一百四十八

禮記十一

卷一百四十九

禮記十二

卷一百五十

禮記十三

卷一百五十一

禮記十四

卷一百五十二

禮記十五

卷一百五十三

禮記十六

卷一百五十四

禮記十七

卷一百五十五

禮記十八

卷一百五十六

禮記十九

卷一百五十七

禮記二十

卷一百五十八

禮記二十一

卷一百五十九

禮記二十二

卷一百六十

禮記二十三

卷一百六十一

禮記二十四

卷一百六十二

禮記二十五

卷一百六十三

通禮一

卷一百六十四

通禮二

卷一百六十五

通禮三

卷一百六十六

通禮四

卷一百六十七

樂

經義考總目卷上

